

CARMEN SÆCULARE
CÆSAREÆ UNIVERSITATI LITTERARUM
DORPATENSI
IN SOLEMNIBUS SEMI-SÆCULARIBUS

D. 12 M. DECEMB. A. 1852.

SACRUM

VENERABUNDUS OBTULIT

DR. CH. FR. WALTHER.

BIBLIOTH.
ACADEM.
DORPAT.

PETROPOLI.

1852.

CAESAREÆ UNIVERSITATI LITTERARUM

DORPATENSI

SOLEMNIA SEMI-SÆCULARIA ACADEMIÆ

SUB AUSPICIIS ET CELSISSIMA TUTELA

DIVI ALEXANDRI ET NICOLAI

AUGUSTISSIM. IMPERATORUM ET AUTOCRATORUM OMNIUM RUSSIARUM

PER DECEM LUSTRA FLORENTIS,

DIE INAUGURATIONIS, D. 12. M. DECEMBRIS A. MDCCCLII.

RITE CONCELEBRANTI

CARMINE SAPPHICO

GRATULABUNDUS PIA VOTA FUNDIT

DR. CH. FR. WALTHER,

A CONSILIIS COLLEGIORUM, CAESAREAE BIBLIOTHECAE PUBLICAE PETROPOLIT. BIBLIOTHECARIUS SUPER. ORD., INSTITUTI PAEDAGOGICI PRIMARI LITTERARUM ROMANARUM QUONDAM PROFESSOR ADJUNCTUS, SCHOLAE PETRINAE LITTERARUM GRAECARUM ET ROMAN. PRAECEPTOR PRIMARIUS, SOCIETATUM LATINAE JENENSIS ET HISTORICAE RIGENSIS SODALIS HONORARIUS.

PETROPOLI.

TYPIS CAROLI KRAY.

1852.

ПЕЧАТАТЬ ПОЗВОЛЯЕТСЯ

съ тѣмъ, чтобы по отпечатаніи представлено было въ Ценсурный Комитетъ узаконенное число экземпляровъ. С. Петербургъ, 8 Декабря 1852 года.

Ценсоръ А. Крыловъ.

ПЕТЕРБУРГЪ.

Типографія Кривошеина.

1852

**Qui novis festis strepit apparatus?
Gaudio pulsis animis citatos
Sanctior quæ vis homines sub Arcto
Undique cogit?**

**Fallor, an Delo patria relictâ
Cynthius Misis comitatus almâ
Regna jam lætus redit ad beata Hy-
perboreorum?**

**An dies festos pia sæculares
Roma quos Phœbo celebrabat olim,
Russiæ doctæ repetunt cohortes
Alite fausto?**

In remoto terra patet recessu
Baltici ponti scopulis molesti,
Nobilis quam gens coluit Livona
Ubere lætam.

Jam nec hic gentes Scythiæ vagantur,
Sarmatæ, quos fert habitasse fama
Barbaris plaustris, Venedæ aut Alauni,
Aut Arimaspi.

Teutoni terras equites subactas,
Inclyti bellis, pietate fortes,
Moribus cultu, domuere et alma
Relligione.

Sed diu pressit populum malorum
Pondus incerto domino gementem,
Maximi PETRI nova dum triumphis
Stella refulsit.

Orbe tum belli Furiis flagrante
Marte prostrato fugiente Sueco,
CÆSARIS læti subeunt Livoni
Russica sceptrum.

Artium templum posuit Camenis
Numen hic, doctas neque terret alta
Nix nec hibernis Boreas sorores
Flatibus urget.

Arce Parnassi minime carebant,
Siderum cursus ubi conspicantes
Consiti lustrant juga montis hortis,
Læta viretis.

Quin et hic Musis placuere fontes,
Rivuli Embaci latices amœni,
Nec dolent liquisse Heliconis oras
Aut Aganippen.

Diva nam Musis patria tributa
Vis ALEXANDRI studiis honestis
Artium augustum decus arrogavit
Præsidiumque.

Quique nunc CÆSAR moderatur altus
NICOLAS Russos animo paterno,
Illa Musarum monumenta Fratris
Firma tuetur.

Magna quæ PETRO stabilita regna
Orbis ad fines domiti triumphis,
Quaque spectat Sol oriens cadensve,
Aucta gubernat,

Legibus sanctis placidaque mente
Civium cultu regit expolito,
Artium custos, decus et Camenis
Vindicat æquus.

CÆSARIS jussis vigilas patrandis
Providens curis Academiamque
Temperat, Kraftstrøme, Tui paterni
Roboris annis.

Jam decem lustris jubilæus actis,
Dorpatum postquam studiis colendis
CÆSARIS nutu patuit sacratum,
Fulget Olympo.

O dies felix revoluta lustris,
Artium Sedis memor institutæ,
Palladi qua pura tulere sacra
Russica pubes.

Huc ades sacris Tibi dedicatis,
Dive **ALEXANDER**, placidus Tuumque
Prosperum, florens opus ac nepotum
Respice vota.

Hic scholæ splendor maneat, precamur,
Major ad seros veniat nepotes!
Aucta per Divos vigeat perennis
Gloria Musis!

Artium faulrix sapiens Minerva,
Huc vocata adsis placidoque vultu
Publicos ludos tibi jam parantem
Respice pubem!

Tu probos mores animosque castos,
Virgo, des publi tibi supplicanti,
Da juventuti patribusque doctis
Otia tuta!

Gloriâ regni, Dea, **NICOLAI**
CÆSARIS nomen super astra tollas,
Da dies lætos studiumque dextro
Omne firmes!

Te duce, insignes referat triumphos,
Victor et lauro caput implicetur,
Ni comas malit potiore ramo
Cingere olivæ.

Sæculo festos revehente ludos,
Diva, sis nostri memor atque vota
Flore **DORPATI** rata sint in omnes
Temporis annos!

